



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus LXVIII. De Dominica infra Octavam Nativitatis Domini.

urn:nbn:de:hbz:466:1-39937

bris: Quia verò tunc Psalmus *Jubilate* dicitur in *Laudibus Vigilæ*, ideo tunc in Nocturno illius Officij loco Psalmi *Jubilate* dicendus est Psalmus: *Bonum est Confiteri &c.* ne scilicet idem Psalmus in eadem Hora (ut notat Gav:) bis dicatur, nempe in *Martino*, & *Laudibus*, quæ juxta eundem ac Alios constituunt unam *Horam*: ob quam eandem, & aliam insuper rationem, etiam in *Sabbatis*, in quibus fit Officium de *B. Maria* in *Sabbato*, in Nocturno illius Officij pariter dicitur Psalmus: *Bonum est Confiteri Domino*. In quamcunque autem hujus *Hebdomadæ* Diem incidat *Vigilia Nativitatis Domini*, *Martyrologium* pro sequente *Festo* legendum est in ea ad *Primam* cum majori, quam alias solet, solennitate, de quo, & alijs ad *hanc Vigiliam* pertinentibus infra *P. II.* die

24. Decembr: ubi & de *Missâ* ejusdem *VIGILIÆ*, quam habet hæc *Vigilia* propriam, nec potest loco ejus in ea dici *Missâ privata* *Votiva*, nec etiam de *requiem* (nam utraque hac die prohibetur) dicitur verò *Missâ Vigilæ* cum *Oratione* unica, absque *Gloria*, & (nisi venerit in *Dominica*) etiam sine *Credo*: omittitur quoque post *Graduale Alleluja*, & *Versus* sequens, nisi venerit in *Dominica*. *Præfatio* semper *Communis*, & in fine *Benedicamus*, ac *Evang. S. Joan. Col. Viol.* Porro post *Nonam* *Vigiliæ Nativitatis* terminatur *ADVENTUS*, & cessat *Versus: Angelus Domini &c.* cum *Oratione: Gratiam tuam ad Antiphonam Alma Redemptoris &c.* uti & *Collecta: DEUS, qui de B. M. V. Vesperæ* de *Nativitate Domini*, ut suò loco cit: *P. II.* die 24. & 25. Decembr.

TITULUS LXVIII.

De Dominica infra Octavam Nativitatis Domini.

SI *Festum Nativitatis Domini*, aut *S. Stephani*, vel *S. Joannis Evangelista*, aut *Ss. Innocentium* venerit in *Dominica*, tunc *Dominica* illa *vacat*, id est, nihil die illo fit de illa in *Officio* aut *Missâ*, nè quidem aliqua *Commemoratio*, sed tam *Officium*, quam *Missâ* hæc de *Festo* in tali *vacante*

Dominica occurrente: fit tamen die proximo post *Festum S. Thomæ Martyris* (nisi hoc venerit in *Dominica*, aut *Dies* ipsum sequens fuerit *Sabbatum*) tam *Officium*, quam *Missâ*, de *Dominica* infra *Octavam Nativitatis*, etiamsi *Dies* ipsa non sit *Dominica*, prout utrumque notatur in *Bre-*
R 7

VIA

viario, ac Missali Romano, sub Titulo seu Rubrica: DOMINICA INFRA OCTAVAM NATIVITATIS DOMINI: & Officium quidem tunc dicitur in hunc modum: In 2. Vesperis S. Thomæ dicitur (sub Ritu semiduplici) Antiphona; Tecum principium, cum reliquis Antiphonis, & Psalmis de Nativitate: à Capitulo autem fit de Dominica infra Nativitatem, dicendò Capitulum (Fratres quanto Tempore) Hymnum, Versum, Antiphonam ad Magnificat (Dum medium silentium) & Orationem, uti notantur post Festum S. Thomæ Martyris in PROPRIO de TEMPORE sub prædicto Titulo, ac faciendò Commemorationem de S. Thoma Mart: & quatuor Octavis, ut ibi. Col. Alb. Hymnus Completorij: Te lucis ante terminum terminatur per Verba: Jesu tibi sit Gloria, qui natus es de Virgine &c. Ad Matutinum verò ac Horas sequentis Diei (hoc est, proximi post Festum S. Thomæ Martyris) omnia dicuntur sicut in die Nativitatis Domini, præter Antiphonas & Versum ad Benedictus, & ad Magnificat, necnon Orationem, Lectiones, harumque Responsoria, ac Capitula, quæ omnia ac sola sunt Propria, & dicuntur, ut ibi, ponendo hac Nocte (id est in I. Nocturno hujus Officij) Initium Epistolæ B. Pauli Apost: ad Romanos: de qua, & alijs ejus Epistolis etiam deinceps legitur usque ad Septuagesimam, ita tamen, ut, si ob adve-

nientem citius Dominicam Septuagesimæ quandoque contingat minus numerum Dominicarum, ac Hebdomadarum post Epiphaniam, & fiat, ut omnes Epistolæ Paulinæ numero Dominicarum & Hebdomadarum, quæ inter Epiphaniam & Septuagesimam intercedere possunt, distributæ primò poni possint, tunc illæ, quarum ne fieri quidem poni potuerunt, anno omittantur, quamvis de aliquibus Epistolis nihil sit lectum, de quibus suis locis.

MISSA quoque pariter tunc dicitur de DOMINICA INFRA OCTAVAM NATIVITATIS DOMINI, prout notatur sub eodem hoc Titulo in Missali Romano post Festum S. Thomæ Mart: ac incipit: Dum medium silentium &c: diciturque cum Gloria ac Commemoratione 4. Octavarum nec non cum Præfatione & Commemoratione de Nativitate, ac Evangelio Joan: in fine. Col. Alb. Vesperarum usque ad Capitulum dicuntur de Nativitate, Ritu tamen duplici, Capitulo verò de S. Silvestro Papæ Conf. dicendo omnia (etiam Orationem: Da quesumus &c) de Communi Conf. Pontif: cum Commemoratione 4. Octavar. Col. Alb.

Quòd si verò Festum S. Thomæ Martyris venerit in Dominica, tunc ipsum in Ecclesia Universalis celebratur in Feriam II. subsequenter in Vesperis autem Sabbati Domini-

cam illam præcedentis, quæ à Capitulo fuerunt de Ss. Innocentibus, post Orationem de Ss. Innocentibus dicitur Antiphona: *Dum medium silentium*, & Versus: *Verbum Caro factum est &c.* ac Oratio (*Omnipotens sempiternæ DEUS, dirige &c.*) De Dominica infra Octavam Nativitatis, ex 1. ejusdem Vesperis, ut ibi, & post eam fit etiam Commemoratio reliquarum 3. Octavarum: ipsâ autem Dominicâ, in quam cadit eò annò Festum S. Thomæ M. fit OFFICIUM & MISSA Ritu semiduplici de *Dominica infra Octavam Nativitatis*, modò paulò antè relatò, nisi quòd in 2. Vesperis illius Dominicæ (in quibus tamen Psalmi ac Antiphonæ dicuntur Ritu semiduplici de Nativitate Domini, à Capitulo autem duntaxat de Dominica, ut ibi) fiat Commemoratio S. Thomæ Mart. in sequentem Feriam II. translari, ac post eam etiam Commemoratio 4. Octavarum. Col. Alb.

Si denique dies post Festum S. Thomæ Episc: ac Mart: immediatè sequens fuerit Sabbatum, tunc Sabbatò illò Officium, & Missa non dicuntur de Dominica *infra Octavam Nativitatis*, sed de corrente *Octava Nativitatis* Ritu semiduplici in hunc modum: In 2. Vesperis S. Thomæ omnia dicuntur: sicut in 2. Vesperis diei Nativitatis (nisi quòd Antiphonæ non duplicentur) & post Orationem *Nativitatis* fit Commemoratio S.

Thomæ M. deinde S. Stephani, nec non S. Joannis Apost: & Evangelistæ, ac denique Ss. Innocentium. Col. Alb. In Sabbato autem ad *Matutinum* omnia dicuntur, sicut in die Nativitatis, præter Lectiones I. & II. Nocturni, ac utriusque *Responsoria* (quæ omnia dicuntur, ut in *Dominica infra Octavam Nativitatis*, modò ibi descriptò) necnon Lectiones III. Nocturni, quæ sunt propriæ; & dicuntur, uti norantur ante Festum S. Silvestri in Propr: de Tempore, ac denique etiam *Responsoria* hujus tertij Nocturni, quæ pariter dicuntur, uti in *Dominica infra Octavam Nativitatis*. Ad *Laudes* (in quibus fit Commemoratio 3. Octavarum nempe Ss. Stephani, Joannis, ac Innocentium MM.) uti & ad Horas minores omnia dicuntur sicut in Nativitate Domini, etiam Oratio. Col. Alb.

Missâ quoque tunc dicitur de *Octava Nativitatis* prout notatur in Missali Romano immediatè ante Festum S. Silvestri, ac incipit: *Puer natus est nobis &c.*, cum *Glor: Cred:* ac Commemoratione 3. Octavarum Ss. Stephani, Joannis, ac Innoc: MM. Præf: & *Communicantes* de Nativitate. Col. Alb.

Vespera verò tunc Ritu duplici (hoc est, duplicatis ante & post Psalmos Antiphonis) dicuntur hodie, ut in Festo Nativitatis Domini, Capitulum autem & Reliqua de S. Silvestro, ut in 1. Vesp: de Comuni
R r 2 Conf:

Conf: Pontif: cum Commemoratio-
ne Dominicæ infra Octavam Nati-
vitatís Domini (ut in I. Vesperis
ejusdem in Breviario per Antiph:
Dum medium silentium &c. Vers: *Verbum
caro factum &c.* & Orat: *Omnipotens
sempiternè DEUS &c.*) & 4. Octavarum,
ut ibi: *Col. Alb.*

Si ipsum Festum S. Silvestri (ut
in tali casu contingit) venerit in
Dominica, fiet eâ Dominicâ (nempe
crastinâ) *Officium* ac *Missâ* de Fe-
sto S. Silvestri, cum Commemora-
tione Dominicæ infra Octavam Na-
tivitatís in I. *Vesperis*, ac *Laudibus* Fe-
sti, ante Comemorationem omnium
4. Octavarum, necnon cum 9. Le-
ctione de Homilia ejusdem Domini-
cæ. *Missâ* quoque crastina tunc di-
cetur Ritu duplici de eodem Festo,
cum Commemoratione Dominicæ
infra Octavam Nativitatís (ex *Missâ*:
Dum medium silentium &c.) & omnium
4. Octavarum: *Præfatione* & *Com-
municantes* de Nativitate, ac ultimo
Evangelio de dicta Dominica, de
qua tamen deinceps nil amplius fit
(uti nec de Festo S. Silvestri) in subse-
quentibus hodiernis Vesp: in Ecclesia
universali, uti P. II. dicitur. *Col. Alb.*

Atque hæc de Modo Ordina-
di OFFICIUM, ac MISSAM per singu-
las totius Anni DOMINICAS, ac FE-
RIAS: de quarum Utrarumque OR-
GINE, INSTITUTIONE, ETYMOLOGIA
VARIETATE, religiosâ respectivè CO-
SERVANTIâ jam inde à Temporibus
Apostolorum, ac multiplici demum
PRÆCONIO eruditissimè scribunt, ut
differunt Guilielm: Durandus in Ra-
tion. Divinor: Offic. Joan. Stephan:
Durandus de Ritib: Eccl. Bartholom:
Gavant: Tom. I. P. 4. Tit. 12. n. 21. &c.
Item P. 2. Sect: 3. cap. 5. & 6. Joan:
Azor Institur. Moral. Tom. 2. l. 1.
c. 2. &c. Suarez Tom. 1. de Relig. T.
2. l. 2. c. 4. &c. Tolet. l. 4. c. 23. &c.
Layman. l. 4. T. 7. c. 1. Aliique ab-
Quibus addi potest P. Cornel. La-
pide in cap: 28. Matthæi Vers: 1. &
c. 20. Joan. v. 26. ac apud eundem:
Augustinus Serm: 251. de Temp: &
Ambrosius Serm: 254. Card. Joan:
Bona Tr. de Divina Psalmod. c. 10.
§. 18. ac denique Benedictus Pererius
in Comentar: in Libr: Genes: in fine
Operis primæ diei, ubi 13. Diei
Dominicæ PRÆROGATIVAS
enumerat.

Finis Partis Primæ.

